

pour auoir de La viande et les autres Remedes quil falloit pour foulager ce g^d. nombre de malades ie lay fait et le fais tous les Iours, si vous pouuez trouuer le moyen de men retirer vous mobligerez extremem^t. nos fauuaiges dans Laffliction ou ils font de ce g^d. nombre de malades quil ont, ont esté fenfiblement affligez de La mort de Madame La Marquife de Bauché quil regardoient depuis cinq ans cōme leur veritable Mere car outre les g^{des}. charitez quelle leur a fait tous les Ans depuis ce temps elle efcriuoit icy des Lettres remplies de sentimens fy tendres pour nos pauures fauuaiges que Lors que ie leur faifois comprendre en leur Maniere ce quelle me mendoit fur eux, ils en estoient charmez: La derniere année de fa vie outre La fomme dargent quelle menuoya pour affifter les pauures et quelques ornemens pour L Eglise de nostre Miffion, elle menuoya vne piece détoffe pour Couvrir neuf pauures fauuaiges. Lors que Iapris fa mort nos fauuaiges prièrent Dieu dans L Eglise, ie les arresté apres La priere pour leur annoncer cette mort, et leur Indiqué le seruice que nous deuions faire le Lendemain matin pour le repos de Lame de La ditte Dame ils firent de Longues prieres pour elles, et ils nen demeureront pas á celles quil ont fait. Ie leur parle de temps en temps de cette Dame Charitable et cela les touche et produit vn tres bon effect dans eux. ayant perdu cet Apuy de nostre Miffion ie tacheray á estre plus referué a ne me pas tant endepter, quoy quil foit bien difficile de fen empescher quand on voit tant de Miseres: il faudra souffrir en voyant souffrir des pauures que ie ne pouray foulager, ie ne vois encor aucun malade remis; ie croy que quelques vns nen rechapperont